

華

國

公

報

(五)



清末民初報刊叢編之四
清光緒元年至光緒卅二年
林樂知主編

萬國公報

(十五)

華文書局股份有限公司印行

論德行

天下雖有至道不肯降心以相求則莫知其要人生卽具雄才未能切求於立本則所學亦空儒士文章夙擅而大端之病每多抱愧於庸思匹夫知謙雖拘而一念之誠反能作師於學士是則所學者何事豈以才華譽播而徒震乎學之名者遂可告於無愧學之謂學惟其實也不惟其僞也惟其樸也不惟其華也故學莫要於修德立行而修德立行儒士皆知莫先於孝親則姑請獨言孝天地之性人爲貴而人之性皆由天命此心此理萬人皆同則孝親之心何獨不然故毋以己所是而誹人之非與我是者推原彼此之心皆以孝爲歸要則奚誹爲然世教論孝者甚多皆各是其所是非其所非而無至道以衡之則其孰是孰非難以剖析而衡道者莫出誹道之言以激人誘而聞道者莫味人憫世之心而故造謗兩當持平細以求孝德之所歸也夫孝各有風化之殊生死之異風化之事各挫於一方變於時勢者姑無論矣天生斯民各有至性則生孰不知孝親敬長之義此亦無論矣死葬之禮莫若於猶太若中土上世嘗有不葬其親者後世聖人易之以棺槨則葬親之禮祭天之文雖後起於猶太而死葬之卽三千三百之數與猶太彷彿相類者此傳曰猶太耶押聖人自創之耶亦無庸深論矣葬親之所泰西諸大國皆有兆域族葬而堂其禁令雖與中土近世或於風水遷徙無常者異要恰與先王辨兆域堂禁令族葬之世同此亦無庸深論矣所最宜論者祭親之典蓋此乃中土所獨重而獨異者故不可不深求也先王之立祭也有至理存焉太古之世天下爲公而人多敬親降而日下雖知有敬親之義而鮮敬親之人苟無以挽之將何以收人心故聖人創一法以延之使其綿綿而不絕此於祭所以示教敬教孝之義也且有至法存焉天子七廟諸侯五大夫三降案皆以兩士庶無可降祫案一每廟只

一主故天子得事七世諸侯五世大夫三世官師二世庶人一世故只得祭父而不得祭祖後之宋儒謂只祭父而不祭祖不近人情遂則祭四親之說此僭用大夫諸侯之禮而非先王立祭之理法者姑亦無論矣而獨論聖人立祭只得祭父果何意耶蓋儒者基道於孝親親死則孝生之事絕倘不孝死則何以延孝思於人心然既如此其要也又恐後世鄉於誣誕故限之以法示民有所終也惜後之行祭者不原聖人立祭之理而妄衍陰陽不守聖人限祭之法而祭及非鬼此傷風化惑人心乖聖理違聖法者實當今之深疾而論祭者又徒執末俗而不思根要全體鑒心而出言輕肆者多貽議於大方夫祭似非可易去者蓋中土三百餘兆之衆庶所以能聚而不外散思聚而不樂散者自外觀之似在土地之廣物產之繁而自內審之要在於綿綿而不絕之祭也且似非可輕去者蓋天下雖無可恃之人心而有可恃之理法理法因人心爲興衰而人心爲理法所驅使今中土之人靡不驅於祭法矣第行祭之人惜能驅於外法而未能驅於內心也然而不易去不輕去者非必不可去也天生斯民原無或偏宇內之宏人民之庶聖人豈獨鍾於一區況至理無窮各有所見苟他有所長則何妨舍己以從人世之守祭者徒泥聖人之迹而不原聖人之心謂雖有至道而去祭者則不足以言道此誣道也不可以誣道之心而反誣聖也聖心廣虛處事原無必固其立祭之意亦仰體天心教敬教孝矣苟天有至道而能助敬助孝者此豈反爲聖人所疾耶譬之醫疾焉我能教人防疾而不至斃命人固德我何有能助其革疾而漸可復初者則我當德人不德之而反疾之者古今罪人也世之尊聖者切莫作罪聖之事而爲聖人之罪人也可噫祭親之典中土行之數千年深入人心而莫拔豈一知半解之士可以易斯風非天天者垂至教施巨能則莫能爲力矣此吾所以謂非易去也出此入彼苟非確有所見而樹立不移者第隨流附和進銳退疎之人恐終爲大道玷此吾所以謂莫輕去也大道當前既考之精

審之確匪惟有教善之心且有助善之力匪惟有延孝之法且有興孝之功者則何妨遵奉以翼於革疾復初此吾所以謂不可不去也不易去不輕去所以欲人勿躁也不可不去所以欲人勿固也固者難容道躁者難持大道之行也雖不在於人之容不容持不持自有其神妙莫測而要非躁者固者所能翼及也嗟今之人亦固矣前乎此天特作聖人於萬邦所以欲人克明乎善矣故當時從聖者即爲順天及乎此天欲歸萬邦於一道所以助人克趨於善矣故今之泥聖者即爲逆天焉可固執其偏而不體聖心審天意以志於中正至大之道思補救於頽風而或者曰堅却者必能堅持難得者必能難失苟得其化也則大有可觀將來廣聖教闡大道者其在中土乎果如是也誠吾所深望焉

雋不疑引經斷獄論

袁康

春秋三傳漢初公穀立於學官而公羊尤時尊信故士大夫多引公羊以斷事者然惟董仲舒作春秋決獄二百三十三事未盡泥乎公羊爲不悖經旨外此汲黯引大夫出疆有可以安國則專之遂發粟以賑民饑蕭望之引士句還師君子善其不伐喪而單于內屬二說實爲公羊精當之論其他甘延壽請縣郅支首也許嘉則引孔子誅優施爲證霍光議廢昌邑王也諸臣則引周襄王不能事母爲證已不能無失至如孝昭始元五年有男子詣闕自稱衛太子詔公卿以下雜視並莫敢發言雋不疑至即令收縛或以爲是非未可知不疑曰昔衛蒯聩違命出奔輒拒而不納春秋是之衛太子得罪先帝此罪人也天子與大將軍僉以有經衛明大義重之則尤離經叛道之甚者是不可以不辨夫衛輒之罪夫子誅之見於論語者求仁之答正名之說至明豈顯而經於范曄之劾蒯聩也書曰衛世子明蒯聩未絕於衛也於石曼姑閹戚先書齊惡其助輒也蓋蒯

賸得罪於父縱未可以繼主衛國輒自不得拒之此天經地義也不疑詎未之前聞獨信公羊義可拒劇賸之邪說昌言於衆豈春秋有教人不孝者耶且揆諸當日情事亦有不合蓋劇賸與輒父子也昭帝與衛太子兄弟也子自不可與父爭國弟則不必以位讓兄苟使太子而在今來自詣上告於君封以大國斯爲仁至而義盡昔田叔之焚梁獄辭也以有罪之弟爲臣下者猶必委曲調停不使有傷兄弟友愛之意善處人骨肉閒者固當如是此則何所顧忌何所嫌疑忍爲此蔑倫悖理之言俾後世仇視故君之子以媚君相者有所藉口以云經術不其謬乎而況不疑此時則又詐甚考不疑以暴勝之薦召拜青州刺史在天漢二年衛太子遭讒得罪在征和二年其時武帝感壺關三老之言既封張富昌李壽爲列侯又族滅泉鳩里之加兵刃於太子者其事也天下聞之越明年田千秋上急變因族江充家作思子宮爲歸來望思之臺於湖其事也天下又聞而悲之及是中間不過九年耳不疑久仕於朝事當素稔正不難明斥其僞以正情妄之罪而顧謂得罪先帝爲罪人沒其當日讒指之冤深文周約於事久論定之後而既置武帝之悲思悼於不問一若太子真未死因可因而縛者不亦重誣先帝而益傷泉下之心哉且以天道言之亂賊宜無後而太子孫身爲天子泰山之石上林之柳早發其祥似天亦憫其無辜慘死而昌黎後者乃不疑則獨傳曾經衛故作此悖謬之言以期上結主知而下矜獨斷不知可以欺一時者固不可以欺萬世也顧或謂成方達之來也事不經見一時吏民觀者數萬右將軍至勒兵闕下備非常帝爲沖子時保無有奸人如上官桀輩伺隙乘釁煽人心以謀危社稷者得不疑一言而難解於經義乖而於國事濟則其明決亦有足多者不知此則霍光之過也霍光先事武帝出入禁門二十餘年而武帝信臣尙多布在朝列太子之僞當亦衆所共知收付廷尉一獄吏足矣誰以爲不可且時昭帝立已五年天位久定朝野上下安謐無虞一妄男子詎致禍亂詔公卿雜議

視而莫敢發言是蓋不測君相意旨之所在勒兵備非常而益增繁庶之疑猜此皆光之不學無術而不疑因得以售其欺也嗚呼不學無術如光斯其以經術重許不疑也歟

同仁醫館啓

古者老幼癘疾皆有所醫蓋諸公家之舍一以免瘡痍之傳染一以便有藥之診治誠三代之良法而西國醫館藥房之設爲合乎上世仁人君子之用心也專計我同仁醫館自虹口設立以來迄今一十有五載賴衆善姓之樂輸并西醫瑪柏等六先生之妙技生死而月骨者要不知凡幾然每日於下午施診施藥而房舍湫隘不足以容養病之人其規模殊未美備本館司董教師湯孫等互爲籌畫於庚辰秋又蒙美國實而姑娘首先樂助銀三百五十餘磅并本館每年所積餘資當購得洋房一所於西華路中虹橋西同人之心聊可慰藉美國醫學會董事聞之喜甚特請文監司令子亨利爵士來華統理藥房事務秋坪觀察深佩本館利濟之懷欲加擴充復集資一千餘兩并自墊之款合成三千兩立聘醫館後洋房兩所贈於本館永作男女病房之用其房舍之滲漏不合者卽行大爲修繕俾成輪奐之規古所云古人爲善惟日不足於觀察爲近之貧病感激永無涯涘而醫館經費尙有未敷之處幸觀察推廣勸募想各善士或解趙囊或贈魯粟鼎衆擎而舉裘集腋而成易云積善之家必有余慶豈爲諸善長操券期之矣玉經理數年始終不忘今奉委於內地經理教會事務不克盡心輔助醫館殊爲抱歉惟祈諸同事實力襄辦庶不負李秋坪之大德也是爲啓

光緒壬午歲夏六月同仁醫館協理吳虹玉啓

中西通商之益課卷

第三名 廣東巴邑 張光裕

然而我國與西人通商貿易愈盛西人之至止者愈多我國人不能無疑之者焉疑西人之將以我國爲市朝也疑西人之將以我國爲奇貨也疑西人之猶蔓草難除也疑西人之易借端生事也謂此等人非我族類異服異言我國素稱爲蠻夷者夫我國歷代以來皆受夷人之害其人反覆無常難養易敗惟利是視全無信義最爲強悍跋扈者也今其人散布於我國我國之利弊無不熟悉其器械又精銳無前輪船又便捷莫擬是猶虎之生羽安知其不乘機食人連我大清數百年一統江山而並吞之乎是西人與我國通商我國之憂患轉深一日非儲之不可也益何於有然此等人我則謂其畏懼過甚疑所不當疑也何則蓋今之西人非昔之西夷比也今之西人既從耶穌正教一改其榛狉狂狃之俗變爲衣冠文物之國凡其所行者罔不以耶穌聖道爲法則以仁義而爲心以寬宏而爲度不敢恃強而欺弱矣且按地輿而論我國古之所謂西夷者非今之西人乃今之西域也至若言與西人通商則我國不可一日無備豈我國不與西人通商遂可以無備乎有國者不可一日無備此自然之理也又何足論雖然我國猶有可疑者即俄國也蓋俄人得以廣地爲心其國與我境界較近使其一旦放輪船下黑龍江順流而東奪取高麗則我國之屏蔽既去直可朝發夕至迫取京師有如射雉雖有智者不及謀矣此則西國之智者亦未嘗不爲我國寒心也我國自宜預爲隄防勵精圖治使朝野長享昇平致俄人無隙可乘以免其流涎且以杜乎凡蓄陰謀暗算者然此事之可疑與不可疑非有關於中西通商與不通商使通商而俄人可疑即不通商而俄人亦可疑豈不通商而俄人遂可以不疑哉豈竟通商而俄人乃可以爲疑哉非然者則俄國與西人通商固無所用其猜疑矣然交易之道尤貴乎誠心不欺也所謂誠信不欺者以實貨實價第取當得之利息不以童叟而相欺不以智愚而有異村夫也無以僞貨而欺紅鄉愚也無以棘債而誑騙不貪意外之財不取非義之利而可鋤則鋤可弄

則非西人之貨不以中人之活而異其價中人之貨不以西人之活而別其規惟以平心相待直以大公爲心如此則相交愈久而愈密生意愈做而愈盛矣如其不然則村鄉中之居民所見甚怪不辨物之美惡魚目可以混珠硃砂可以亂玉得其似而不得其真認賤爲貴不如宋人之買明珠者幾希矣如是則愚人出高價而買濫惡之物商人以賤貨而賣用三倍鄉人之不自悔受欺過其門而不造其舖者未之有也如此則相交必解體矣生意必寥落矣其能爲久遠之謀乎善故曰交易之道尤貴乎誠信不欺也有志於通商者其不以吾言爲迂疎視爲無關於痛癢歟今使中西通商果能有上之數者則通商之道盡矣通商之意全矣通商之益亦大矣其將又何以加焉則我中國猶未盡乎通商之力也通商之力維何曰種所未種曰造所未造曰言乎種之有關於通商也蓋我中國地廣人稠原可爲富強之國而卒未能駕西人而上者則以智力有所未盡也近今我國最爲急務者則莫如栽植樹木夫百木叢生枝葉蔥蘢多萃翳鬱風之氣一受太陽之炊蒸則升而爲雲雨由是觀之則亢旱荒歉雖曰天災豈非人力未盡有以致之哉我國人誠能於各府州縣廣種樹木繫池沼以蓄水開溝澮以通流則將見百穀無不用登桑麻無不暢茂黍稷或疑禾稼偏反年年書大有歲歲慶倉箱三年耕而有一年之食九年耕而有三年之食耕之三十年雖有凶旱水溢民無菜色然後積蓄饒而國勢盛民生聊而衣服尚酬答多而用物繁閭閻中有鐘鳴鼎食之家城市中有策馬驅車之子貿易不出斯而大振乎矧言乎造之有關於通商也蓋萬物雖莫不由天地而生而器用則莫不由人力以造我國之智慮未必遠遜於西人而特未竭其心思耳近來我國之最宜急用者則莫如輪船鐵路夫輪船萬里重洋一躍可至載貨孰有便於此者輪車則雲飛電走居然如縮地之神運物孰有捷於此者故水行則以輪船爲尙陸行則以輪車爲最今我國之可通輪船者內地則有江河東南則有大海誠使我

國一造輪船則奔雷逐電指東忽西雖千里之遙而其貨價若干取于携之易矣抑我國之宜建鐵路者則有城市埠鎮誠使我國如泰西之各城各市皆建鐵路則人民既鮮跋涉之勞而貨物亦得轉運之速沐雨栴風之勞從茲頓止板橋人跡之困自此全無以火力代人力以天然揅強然較昔之徒步辛勤爲賈者獲利又更加多豈非事半功倍哉夫然而知我國之宜栽植者不獨樹木而樹木爲最急矣夫然而知我國之宜製造者不獨輪船鐵路而輪船鐵路爲最要矣向使我國早栽樹木則當年晉豫之鱗塍諒不至有龜坼之虞向使我國早建鐵路則晉豫縱赤野千里亦不至道殣相望故栽樹木可以備乾旱建鐵路可以救饑饉我國之大臣智士亟亟於栽樹木亟亟於造輪船鐵路也宜哉顧亡羊補牢猶未遲也見鬼顧犬猶未晚也失之東隅收之桑榆猶爲可也誠使我國果能推廣此意偏栽樹木將見土產之既豐者更以加豐即土產之未豐者亦無不豐矣而國有不富者乎誠使我國果能明察此理多建輪船鐵路將見城市之既盛者愈趨於盛即城市之未盛者亦無不盛矣而國有不強者乎既富矣既強矣則內無叛賊蹂躪省垣海無巨盜搶奪貨財天下之商賈有不欲雲集於我國者乎天下之商賈既已雲集我國不由富而愈富由強而愈強者乎富之極強之極我中國非猶是今之中國矣於以見億萬斯民莫不共遵於光天化日之下於以見五方賈客莫不共義爲樂郊天府之區豈不更添一番茂盛乎哉我中國人其趁時而爲之吾將拭目以俟焉

暢達

論華人偽造銀圓選錄申報

中國民俗與泰西諸國不同者惟憚於遠遊最爲通病海禁既開華人漸知出洋謀生如美國舊

今論僑華人之居者不可以億萬計此外南洋各島則粵閩兩省之人向有經商往來者近則日益加多太平洋各島如火奴魯魯三危等彈丸之地亦爲華人所聚至於日本則與江浙等處海口不過隔一洋面一羣可航無經旬累月之古宜其往者如水歸壑而況地面較各島爲大在通商諸國之中又爲大邦中朝特開欽使駐紮其地各埠分設領事以管轄華人之事聽斷華人之訟視他處之未有華官隸屬於其土官者更爲便利起見出入雖在官無殊故土是以近年以來華人之赴日本者又特夥矣然則中國之俗似乎已大變革從前畏懼勞之見此時助破而四洲之上無往而不爲華人所趨日後利源將匯歸於中國其事豈可限量者中國言安最久自開闢至今五千年間列聖歷土之制作大略文明既庶且富民閭生息繁盛合各直省之數而總計之當推爲萬國之首蓋中國屬地大於歐洲諸國不止倍蓰碩如俄羅斯之跨有三洲美利堅之二十六部亦不下於中國而民數則均不及中國之盛故其所聚分其所羨則外洋縱已有人滿之嫌而內地實不覺戶口之缺計今日之出洋謀生者不過萬分之一耳中朝既派欽使設領事之擴充此時不能有限制所惜者華人向有一見未破大凡樂於出洋之人半係於本國無業可執無利可謀而後勇於遠涉也雖有資本殷實之人思博大利於海外遠出經商然仍止萬分之一而已從前秘魯古巴等處僱有華傭而無華商且多係被拐販賣之人今日此風漸息凡屬出洋皆出自願然除傭工之外大率手藝工匠與小木經紀爲多至於正經商賈尚不數觀人多類雜賢否不齊安分守己者固仍爲內地之良民而游手好閒者亦甘作異鄉之無賴前有郵述日本事者謂華人之在彼爲竊盜者不少又屢聞有行凶之人或自與華人鬥毆或與日人事間乃近復傳聞偽造銀圓一案嘻可異已夫作奸犯科往往迫於貧乏而後忍於爲此若居日本之華人窮困彼在內地無業已久惟其不肯作奸犯科乃始飄然長往羈棲海外以爲治生之道或多於枯守家門而牟利之途亦寬於作夥鄉里也今計不及此至於居異國而仍不免作奸不免犯法是誠何心哉夫此事實僞同未可知義年日本有偽造國家銀票一案是日人曾經犯此今之洋圓安知非有日人在內通同華人而爲之然華人之貽笑外邦於此可見通商大埠各國商民會集原不能盡人皆賢不特日本即歐洲各國亦嘗有放辟邪侈有滋事於中國而煩其領事之懲禁然則此事即使察出果係華人爲首在中國亦未必大辱也顧容思

之華人所任之地設駐華官原以資其化導約束盡在內地則民間去官長甚遠惟其體制太覺尊貴故成扞格之勢雖以地方官而不能與鄉民通氣誼教化之權宜其有所不行若在外國則領事之於華人大有父子兄弟之親相顧相恤相保護安能以內地體制爲衡今約束不嚴而任其胡行妄作化導不力而縱其作僞貪婪譬如子弟爲非人執之而告其父兄父兄其何以爲情耶吾謂此等案情較之內地尤難輕恕不但以事後之懲辦爲領事之無私自當以平日之疏忽責領事之無能現在出洋差使保舉優於軍功候選人員隨欽使三年無不指有省分且請免補升官發財爲仕途之捷徑惟此一年之中當此承平敦睦之時有見功之地而無見過之事似朝廷特重洋務人才有重賞者竟無薄罰未免太佔便宜或即於華人在外洋作奸犯科之案定爲記過之法每一年之中記過幾次則期滿不得保舉如此則於優獎之中寓勸懲之意庶幾領事等官操約束化導之權事事整頓將來華人不爲他國所輕豈非中國之幸也哉

續世以理書小傳

韋廉臣

其二象 見八章三節 則見一牡棉羊立於河濱 見第三節 先生一角甚高後又生一角較先生之角尤高以角抵觸羣獸破害莫之能禦忽又見一牡山羊額中生一大角如飛而至牡棉羊之前奮角抵觸折牡棉羊之二角牡棉羊噙波斯國之大王也牡山羊乃噙希利尼之國王安提阿以比法那斯也二羊相鬥噙二王之相爭也山羊勝者噙希利尼國之真也 見七節 厥後山羊之大角忽折 見八章 復生四大角噙羅馬國之兵四面蜂起滅希利尼也四角之一復生小角者噙羅馬兵中選得一人爲國王東南二境以及樂羅俱爲所據噙羅馬四外戰爭所到之處無不獲勝也 見十節 嗣後違逆大軍之主去其日獻之祭傾其壘所噙羅馬兵至攻破耶路撒冷毀壞聖殿廢棄獻祭之規也

其三象 見九章二十四節 則見上帝有命必以七日爲則復以七十相乘以過罪惡以除祭品贖民前愆夫七十禮拜噙四百九十年也至其所云我當告爾一事爾當知諸建耶路撒冷逮及受膏之君至必有七日復來以七更有七日復來以六十二築城修道必在患難之時七日復來以六十二之後受膏之主見戮援手

無人迄乎後日異邦之君民咸至毀城郭傾圮所不啻洪水之災戰爭不息殺戮不已最後七日主必於眾民立約七日之間祭祀將不復行殘賊可惡之物立於聖地所定之災必有應驗終至荒蕪蓋自波斯國主令猶太之民重修耶路撒冷至耶穌釘十字架替人贖罪之時共計四百九十年焉

其四象 見十章十一至十二章 則古今之大觀也自但以理以至於今及以後耶穌復臨設立天國直至天地末日之事無不在此象中也所有未來之事一一預爲現明自此回溯已多應驗 見十二章四節預示

今之火輪車船電報等事 此後之事將亦無不速應矣欲深明此事者當細閱但以理書之註解也

其第四象有似乎耶穌之言語 見馬大二十四章 亦有似乎保羅先知之言語 帖撒羅尼迦後書第二章三節至十節 又似乎約翰之默示錄 十六章十二節又十七章十八至十九章廿章 象中前後遠近

之事本奧妙而難明觀此象者猶觀山景也視之似近而其實甚遠沿途之溝河泉井林樹村庄皆所不能細睹象中所現直至世界末日之事其尚未經過者亦猶觀山者之尚未至山其前途之事俱在隱而不顯之中而但以理之所書者即若近在目前矣此猶觀遠山之人欲就近而視欸步前進其已過之處無不盡悉而未到之處則難甚明既而登至山巔轉身回顧凡所過之地歷歷可指無不如在目前故自但以理至今歷代相承之事無不洞悉山今而至大地末日則彼時之人視今日之事亦猶今人之視昔日事焉其應而驗者將不勝屈焉矣我故云應象之事至今已多過此以往多歷一年即多知一年之應此猶赴遠山之人多進一步則多知一步之景前乎我者皆已過而易悉後乎我者尚未來而難明即先知書中所言亦云已過者可盡知未來者多難解也

當是但以理名揚各處其本國之人皆尊重之亦有視其爲王者竟與那亞約伯同日而語 以西結十四章

十四節廿節 亦有知其爲大有先知者善解異夢能知人心之隱微 以西結二十章三節

但以理之書其大旨有五 一凡少年之人若果誠心敬意遵從上帝之命令而志不在溫飽者上帝定必賜之以恩加以榮耀使其早得光顯 見二章五節至二十一節 二人果能遵從上帝百折不回上帝定必保

佑庇護 見三章又見六章 三人若立定主意表明上帝之命令上帝定必用之使其各處傳揚上帝之道

萬國公報 續但以理書小像

四百五十七

使徒行傳人地釋疑

理 見二章四十六節四十七節又三章二十八節至三十節又六章二十五節至二十七節 四歷代之人皆以此書爲據卽知二約聖書實係上帝之書案蓋以歷代之事合而爲一盡在此象中也故歷代皆有應驗之事 五無論何等之人皆可得上帝之默佑惟存忠厚之心愛敬上帝者最要之事也但以理乃 身體不全之宦官上帝猶令天使示以未來之事且告以上帝眷愛但以理之語若非存心忠厚愛敬上帝者能有是乎 見十章十一節又十二章十三節

二千餘年之前巴比倫之京城彼沙所歷數百年間絕無人跡其後惟有獸穴鳥巢雜處其中 以賽亞十三章十九節至二十二節 現今西國博古諸人費盡心力尋覓古城舊基掘得無數石碑石像及堅硬之磚碑皆有字俱係當年所刻窺其字跡乃迦勒底之文理也內皆史記縣志禱告文等今人因見古碑之書乃得盡悉巴比倫當年之事觀此可知但以理之書其實無妄蓋古碑之文與但以理書中所言王家之事並其規模條教文字言語及飲食衣服等事遙遙相對若合符節並無絲毫之爽

使徒行傳人地釋疑

以色列猶太民古名所居之地亦以此爲名猶太人所望之基督意必世爲以色列王以耶穌非王者故不以爲基督卽耶穌門徒初亦未明也真以色列國卽聖教公會是普天下人皆得入之 猶太耶穌所生之國其民後漢時散處天下使徒行教無論何處先以福音講於猶太禮拜會堂後則傳於他國之人

撒馬利亞國名其地在猶太之北信崇摩西五書與猶太教異福音傳於異邦自此國始加利利國名其地在撒馬利亞之北本以色列地其民半多猶太人十二使徒多生於此彼得使徒名耶穌升天後與真教於耶路撒冷眾門徒中最爲勤敏講真道行異蹟最多雅各使徒名其教初興時居耶路撒冷者十年後爲希律所殺又一使徒同名亞勒腓之子在教會中講道

其後著書在新約書中

安得烈腓力多馬巴多羅買馬太西門名銳猶太皆使徒名初居耶路撒冷迨後傳教何處此書未載以父老
相傳猶言六朝時西國諸書考之皆往遠方傳教日久卒爲人害

馬利亞同名者二人一耶蘇母也耶蘇遇難後恒居約翰家又約翰名馬可之母亦名馬利亞

大關耶蘇遠祖猶太國王詩篇中詩大半爲其所作使徒傳道於猶太人常以彼詩爲耶蘇道之證如其所言
死而復生又教會中唱之以讚頌上帝

猶大人名耶蘇使徒中有二一賣耶蘇生命者一雅各之弟與耶蘇同族末後著述在新約書中又加利利人
大言惑眾身亡後者散又居大馬巴者掃羅至彼主於其家又約瑟稱巴撒巴之弟任教會中先知之職自
耶路撒冷教會出至安提阿與保羅巴拿巴同事

若瑟人名耶蘇門徒一名巴撒巴又名猶士都譯即公義者教會中舉以代猶大司徒職當衆聞之不得

馬提亞使徒名賣師者猶大既死教會中舉以任職以補十二徒之一

怕提亞衆太以捕皆國其地與波斯同在裡海印度海間西有底格河東有月支國

米所波米地名其地在幼發拉的底格兩河之間故名幼發拉的亦舊約書所云百鍊是

埃及國名後羅馬時猶太及希利尼人居之者衆昔摩西生長於此卒以以色列族出至迦南○海國圖志

作併輯

古利奈地名昔彼亞圖都其始希利尼人所立埠頭

昔彼亞圖名在埃及西亞非利加全地亦以此名職方外紀所云利未亞洲是也

羅馬地名以人利國都漢時波斯以西諸國皆屬之即大秦國是也波斯或云巴西

亞哩或島名在中海居希臘國之南綿亘四百五十餘里

亞喇伯國名在猶太南其北境民多游牧皆掃羅感於聖神後曾居於此掃羅後名保羅

約耳人名爲先知周幽王時著書在傳約書內

拿撒勒地名在加利利國中耶蘇生於猶太長於此處猶太人稱其地惡故嫉耶蘇教爲拿撒勒黨

萬國公報 使徒行傳人地擇疑

四百五十八

基督耶穌別稱舊約書諸先知常言「國後必有王者興以希伯來方言稱爲彌賽亞卽上帝膏以油者基督則希利尼方言亦此意也

所羅門人名大衛之子繼世爲以色列王創建大殿以拜上帝漢時希律王更新之其一廊謂之所羅門廊亞伯拉罕以撒雅各皆人名父子孫三世爲以色列民猶太國之祖得上帝默示傳於後嗣在夏商間住迦南地

彼拉多人名殺耶穌者羅馬王使爲猶太方伯十年

摩西人名生於商時以上帝默示作五書見舊約全書中有預言耶穌事

撒母耳人名先知也以色列民無王歷數百年以先知及有大能者執政謂之士師周昭王時撒母耳爲士師之終

亞那該亞法人名二人選爲祭司長亞那乃該亞法妻父

亞力山大人名有二一猶太七十長老公會中之一人一居以弗所之猶太人

希律人名有四一耶穌降生時爲猶太王其子曰希律安提帕爲加利利分封之君與彼拉多同訊耶穌其孫

曰希律亞基帕爲猶太撒馬利亞加利利王殺使徒雅各其曾孫亦曰希律亞基帕與非士都訊保羅事

利未猶太十二族之一專理教事居於耶路撒冷於聖殿居於耶路撒冷教民以摩西之道

居比路島名地中海極東處長四百二十里耶穌教先傳彼地保羅偕巴拿巴行教屢至

約西人名生於居比路使徒呼之爲巴拿巴猶太十語譯卽勸慰者從保羅往小亞西亞傳教其先未族人

亞拿尼亞人名有三一早入教會以貪心誑語受上帝罰立死一大馬色猶太長老虔心事主問保羅目擊以

聖理一祭司長保羅被訟時在公會首坐

撒非喇婦人名亞拿尼亞之妻與其夫對使徒誑語欲欺聖神因即死亡

撒但魔鬼名譯訟人者最夕在上帝前誣教會衆徒故名初本天使以爲慢故獲罪上帝在地獄與諸邪鬼共居恒至世間誘惑人心

敬啟者太山別為一役... 疑信參半非如咄咄嘆之依附冀救也其言無復年大使身外之神百姓從之者鮮 此稿未定不須再登

各國近事

大清國

丈量荒地

蘇省荒地前奉左侯相札飭一律清查丈量分別界址予以年限為興復市面起見凡託其宇下者莫不以手加額竊經由司札府飭縣公興紳士逐段丈量現已粗具規模不日即可竣事其業主遠遊或已身故未即報縣者已由三首縣出示限本月底止一律入官一面分立界石造冊申報惟建屋之說則尙待躊躇因蘇省官款既無可籌民力亦甚艱窘安得有大力者為吳中一復舊觀耶

皖賑消息

前月抄作緣由新興返邦賈君實卿張君筱衫見示安慶沈雲閣太守來函備言皖北災狀慘人心目觸為設法協助窮思歷年游賑東南已悉索殆盡本地義舉廢弛甚多以作緣經手楊城各事支絀情形推之概可想見至今日而復言募賑鮮不謂好仁不好學矣况作緣現奉左侯相諭認辦新興隄工勢難兼顧敬謝不敏乃數日間連接各處同人飛函謂何厚于遠而薄于近眾情勸勉義不容辭救災如救火不得已冒暑適征於本月初五日同浙春兄梓兄附輪至安慶親赴潛山一帶察勘災區情形以效諸善士先路之驅而慰被災鄰鄰之意倘蒙惠交捐欸祈送上海蘇州鎮江揚州清江各電報局均各掣給收票代解並接旬登報以昭徵信至災區如何情形容到彼後再行馳書以聞

修整盤車

新開橋之盤車損壞由卡員稟請撥款修理并勘明興工各情節經列報茲悉已經工竣稟請邵觀察於昨晨親往驗看工程云

撥機傷指